

315/1
LEBLANGO
Paper 1
2 Hours



UGANDA NATIONAL EXAMINATIONS BOARD

Uganda Certificate of Education

LEBLANGO

Papara me Acel
Coc Diro kede Gonynyo Coc

Cawa Aryo

GIN AME AGAMPENY MYERO LUBI:

Papara man tye kede dule aryo: Dul A kede dul B.

*Gam apeny **acel** keken i Dul A; 1(a) **onyo** 1(b).*

*Gam apeny **ducu** i Dul B.*

*Gam apeny **aryo** keken i papara man.*

*Ka igamo apeny a kato **aryo** oko, pe obino gwetto en ame okato kede.*

*Agam me apeny **ducu** myero bed i papara ame omio.*

DUL A

COC

1. *Gam apeny acel i kan.*

- (a) *Kwan coc i ping kan-ni ite gammo apeny ame alubbo kun itio kede nyigkop 350-400.*

Nino moro iwoto kede owote ni i ka gallowang. I kare ame idwogo i kun-nu, ite cikere me pe dok bino wot ked gi iryo.

Apeny:

Coo gin ame otimere kun-nu ame pe orwatte i wi.

ONYO

- (b) *Kwan coc-ci eka ite gammo apeny ame alubbo kun itio i nyigkop 150-200.*

Yin itye kede awotti ame olwongo ni Otim. En okato peny a ber ento pe tye akwan pien cenne pe. I gum a ber, en obedo atukodilo acel oywek twatwal i wangtic wu. Cukul cinia a ceggi kedi omio ngec ni kwan nono tye pi otino ame tuko odilo a ber.

Apeny:

Coo kun imio Aedi ngec i kom awotti man.

DUL B

GONYNYO COC

2. *Kwan coc i piny kan-ni ite gammo apeny ame alubbo.*

Bulu me kin paco ame yin ibedo i ye otany gini i *matto* jai. Inwongo papara moro i dakatal ame ocoo i ye rac amatto jai. Papara man ocoo i Lebmunu. Ento pol a bulu ame mato jai niang Leblango keken. Ngec i coc-ci pire tek bot gi. Mii ngec man bot gi.

MARIJUANA IS AN ADDICTIVE DRUG

Addicts of marijuana normally have red eyes that cannot see properly, their mouths are dry and they cannot talk properly. They begin to see strange things which in fact do not exist, or even to speak alone due to the development of mental illness. They behave strangely, socially withdrawn, prefer isolation and have a chronic cigarette smell.

Marijuana affects the intestines leading to constipation, destroys the reproductive system leading to impotence. The heart is also damaged resulting into heart failure. It further damages the brain leading to cases like suicide and violence. It further causes falsehood of the mind leading to job and road related accidents.

Again it damages the body tissues which sometimes makes administration of medical drugs difficult and a patient may never recover. Among the students, it lowers the intelligence quotient, leading to loss of quality education and poor performance in schools. While encouraging idleness, it causes anxiety which leads to prostitution, rape and defilement.

Adapted from: *The New Vision*, Friday, May 17th, 1999.

315/1
LEBLANGO
Paper 1
2024



UGANDA NATIONAL EXAMINATIONS BOARD

Uganda Certificate of Education

LEBLANGO

Papara me Acel

Coc Diro kede Gonynyo Coc

New Lower Secondary Curriculum

SCORING GUIDE

SCORING GUIDE FOR LEBLANGO 315/1

1(a)

Yore me coc

(Adwoggi Tic 04)

- wicoc
- yabbo coc
- kom coc
- gikko coc

Kom coc

(Adwoggi Tic 08)

- Nyuttu ngo otimere a rac i ka gallowang
- Pi ngo pe enwoyo wot kede owote mere
- myero tii kede paragurap apol

Tic kede leb kakare

(Adwoggi Tic 08)

- cipeling
- tenci
- tic i witkop
- acimcoc / anyut coc

A gam peny myero tii kede agam ame omio me coyo coc alala. A gam myero bed i dule a papat.

1(b)

Nen a coc

(Adwoggi Tic 04)

- kabedo acoo balo
- kabedo agam balo
- canduk namma
- nino dwe
- amot me woro
- gwong a dano a cwallo balo bote
- tyenkop me balo
- kom balo
- cing kede nying

Kom coc

(Adwoggi Tic 08)

- Myero bed balo ama en acwallo bot aedi a kwako a wottere ame tuku odilo a ber
- Myero kwa pi kwan nono
- Myero bed coyo balo me opici

Tic kede leb kakare

(Adwoggi Tic 08)

- cipeling
- tenci
- tic i witkop / anyut coc
- acimcoc

Waraga man myero bed me opici, dang myero coo tam a papat i dule a papat.

2. GONYNYO COC

(Adwoggi Tic 06)

Paragurap me acel: Kel ooko adwoggi a reco me naa i matto jai

Paragurap me aryo: Peko a jai i yic, jami nywal, itao kede adam

Paragurap me adek: kit ame pekki a jai kelo i kom dano mio yen dakatal pe tio a ber kede, dano

NYIGKOP A NYEN

(Adwoggi Tic 02)

- | | |
|-------------------------|------------------------------|
| • Addict | naye |
| • Mental illness | two wic |
| • Intestine | cin dano |
| • Constipation | nyongo a nwang / cet a nwang |
| • Impotence | bwoc |
| • Suicide | deye |
| • Falsehood of the mind | gobagoba iyi adam |
| • IQ | ryeko me adam |
| • Anxiety | para |
| • Marijuana | jai |

Canne mere yore i yore

(Adwoggi Tic 02)

A gam peny myero lok coc man dwok i Leblango me kello tam i ye aber.

SAMPLE

315/2
LEBLANGO
Paper 2
2 ½ Hours



UGANDA NATIONAL EXAMINATIONS BOARD

Uganda Certificate of Education

LEBLANGO

Papara me Aryo

Niangngo Coc, Yungngu Coc kede Tekwaro

Cawa Aryo i Nucu

GIN AME AGAMPENY MYERO LUBI:

*Papara man tye kede dule **adek**: Dul A, B kede C.*

*Gam apeny **ducu** i Dul A kede B.*

*Gam apeny **acel** i Dul C; 3(a) onyo 3(b).*

*Gam apeny **adek** keken i papara man*

*Ka igamo apeny a kato **adek** oko, pe obino gwetto en ame okato kede.*

*Agam me apeny **ducu** myero bed i papara ame omio.*

DUL A NIANGNGO COC

1. *Kwan coc i ping kan-ni eka ite gammo apeny ame alubbo.*

Jami a kwo kede en ame pe kwo ducu i wi lobo kan jengere ikom kit ame ogwoko kede kanorumu wa. I kin cwec magi ducu, dano obedo gin acel ame Obanga ocweo ame dong balo cwec Obanga twatwal. Ibino nwongngo ni pol a jo ame balo kanorumu wa timo aman-no keken ka pi cobbi miti gi ken gi ba abongo paro pekki ame akello ikom cwec okene ame Obanga ocweo. Man tim a rac meicel.

Gwokko kan ame orumu wa obedo ginnoro acel a pire tek twatwal i yi Lango kede i Uganda alutu. Kop ame mako gwokko kanorumu wa obedo tic a jo ducu. Ka iwoto Lira, Apac, Alebtong, Kole, Dokolo, Oyam, Otuke, Kwania kede Amolatar ame obedo diciturike i Lango i nwongo ni rwom me ballo kan orumu wa oyito malo twatwal. Otela kede jo okene aniang tutte me pwonynyo kite me gwokko kan orumu wa kede ber a kanorumu wan ento pol a jo timo oluktuke.

Alubere kede *Nema* (iryonget ame loo kanorumu wa), gin otitti lwak ni tye tim ame gwoko kan ame orumu wa, kede en ame balo abala. Tim me wangngo makar ame otongo yen bala kalatuc, yao, oduggu, ilwa onyo itek me lokko gi dokko milo weko ping dong abongo yen. Jo ame tongo yen magi pe otamo me pitto, onyo leyo wang yen ame gin otongo. Goyo birik dang obedo gin okene a rac meicel pien mio jo kunyu lobo me awanga ame te gollo piny a tut eka te rwenynyo lobo amio oko. Wangngo ping i yore a pe pore rac pien yen a beco akono kel yamo nwongo otongo oko: atura mogo a beco amio piny bedo a cil rwenyo oko i kare me wang a ping.

I mwaka 2014, dul ame loo kanorumu wa okobo ni puru yi kulu obedo tim me icira ame mio kot pe cwee. Alokalo me ping timere ame mio cem pe cek a ber. Cakko i mwaka-no, gin te kwenyoro jo i beo i tic i cik gi ni ngat ame onwongo tye apuru yi kulu obino makko oko eka ote lubbo kede cik. Gin omedde kun okobo ni, ballo kan orumu wa mio pii amata a leyi bedo pe. Man pe lubere kede cik a kwako twero a leyi.

I tung cel kono, pitto yen obedo gin acel ame twero rocco kan orumu wa te miyo bedo i wilobo bedo a mit. Dano romo pitto yen onyo gwokko yen ame tye cutu pien yen magi cwalo yamo a ngic ame jami akwo ducu tio kede me weo. Leyi bala icoc, oyoo kede mogo okene meddo i ye winynyi calo apinyjulu, okur paco, awele kede mogo okene bedo i wi yen a calo pacci gi. Ka otongo yen oko, odong gini abongo kabedo. Yen dang obedo tipu me weo bang dano, leyi kede jami a kwo ducu ka ceng lyet pollere i ooro.

I yi pacci a pol kede kagi mogo bala cukul, jo tio kede yen otwo bala apoka, riddo kede dul otwoo me tedo. Aemme, acunggwa, amapera, ocao kede en okene obedo cem acama.

Yen twero dang kello cenne i te cao ka ocato a tyene, onyo ka ongolo me bao. Gin konyo me jukku yamo kede miyo alele kot mol momot.

Yen mio gedo bedo a yot pien atad, awayi onyo abola kede pagi nwongo tye i yi bung. Odok me mwonno jami yaa i yat gam. Yen dang gwoko lobo pien lwiit gi moko i lobo te cung I king.

“Ngattoro keken ame mito tongngo yen myero pit yen abic.” Man obedo cik ame *NEMA* omoko a mako tongngo yen.

Peny:

- (a) Coo i yore i yore tyenkop adek ame omio jo pito yen a lubere kede coc i malo-no.
- (b) Coo pekki adek i coc i malo-no ame bino calo adwoggi me ballo kanorumu wa.
- (c) Jo okene tamo ni cem me acama twero bedo pe ka pe opuro yi kulu. Niang gi i beo i coyo yore abic okene ame gin romo tic kede me nwongngo cem a pat kede puru yi kulu.
- (d) *NEMA* okatto kede cike a pol a papat okemo gwokko kanorumu wa ento pol a jo ikin paco pe mito lubbo. Coo yore abic ame *NEMA* romo tic kede me miyo jo lubbu cike okemo gwokko kanorumu wa.

**DUL B
YUNGNGU COC**

Gam apeny man.

2. Mon okene me kare ni pe mito miyo otino dotto cak kor, aco dakatal omoko ni pire tek twatwal.

Ame pe kato nyigkop 80, coo wiewie a dong i coc i ping kan-ni me miyo jo ngeyo ber a cak kor.

BER A CAK KOR

Pitto atin kede cak kor pe obedo ka tic anyira kede mon keken ento me tic awobe kede coo a dongo dang pien jo aryo-no myero nen ni atin onywalle a ber te dongo i kwo opore i wilobo-ni. Ka jo omio lwak ngec a lubere kede ber a cak kor con, eka wan lwak dang ote jollo twero bedo a ber. Ka wan otwero miyo tam ame opore bang owote kede wati, onyo i yi anyim, twoe okene twero gik. Miyo otino dotto cak kor twero miyo gi dongo kede yotkom, eka yotkom te bedo i lobo alutu.

Cak kor tye kede kwone cem a pol ame opore pi dongo atin calo jingngo kome, yabbo adam, jingngo remo me lweny i kom twoe a papat. I yore ocele, cak kor tye kede teko ame weko atin pe nwongo two cado. A dong pire tek cak kor cil dang tye atera me pitto atin abongo ballo kare me

teddo. Mary Ogwal otito ni dotto atin medo rwom me mara i yi akina atin
kede tottere. Ka

SAMPLE PAPER

toto atin obedo dotto atinnere, kulu wie i maro atin pe te miye yac oyotoyot. A dong ber a kato, pitto atin kede cak kor yot bang onywal kede wilobo alutu pien pe mito ni iwil cupa kede jami me tedo. Cak kor gwoko cawa, pe yelo jo, kede nwongngo yot. I cawa moro keken ame atin tye amitto nwongo kome tye akadi naka i dyewor. Cak kor tye kede kwone cem ducu ame gero kom atin kakare.

Wan myero pe omar tic kede cupa cak me pitto otino. Cupa ka pe olwoko a cil twero nywallo kuddi te miyo atin two. Man obedo peko acel a dit i yi akina pekki okene ame mako pitto otino kede cupa. I lobe ame pwod pe odongo, otino ame romo milyon acel kede nucu too acalo adwoggi me keng cem opore ame bedo i cak kor.

Okoporo i: *Integrated English Course for Uganda Secondary Schools Book 3*

DUL C TEKWARO

3. Gam apeny *acel* i dul man.

(a) Kwan coc i ping kan-ni ite gammo apeny ame alubbo.

Yin itye kede awotti moro ame pe obedo Lango ento onwongo apai mere ame obedo nyako Lango tye amitto nyommo. Nino me arango dong tye onoko ceggi. En olaro boti ni ikobbe gin ame timere i rangngo nyako Lango.

Apeny:

Titte jami ame timere i rangngo nyako i yore yore.

ONYO

(b) Kwan coc i ping kan-ni ite gammo apeny ame alubbo.

Atin aminni ame obedo i lobo a ooko pi kare a lac odwogo paco pi yuba me yabbo lyel. En anaka pwod pe obedo i kodi yuba man kede pe ngeo jami ame timere i ye. Aman-ni, en tye amitto ni imie eniang i yore i yore kit ame yabbo lyel timere kede i tekwaro a Lango.

Apeny:

Pore i yore i yore kit ame yabbo lyel timere kede i tekwaro a Lango.

315/2
LEBLANGO
Paper 2
2024



UGANDA NATIONAL EXAMINATIONS BOARD

Uganda Certificate of Education

LEBLANGO

Papara me Aryo

Niangngo Coc, Yungngu Coc Kede Tekwaro

New Lower Secondary Curriculum

SCORING GUIDE

SCORING GUIDE FOR LEBLANGO 315/2

1. NIANGNGO COC

(a)

(Adwoggi Tic 04)

Tyenkop me pitto yen

- Mio yamo a ngic
- Obedo pacci a winynyi kede leyi
- Mio tipu
- Obedo cem me acama
- Kelo cente
- Juko yamo
- Juko mol alele
- Konyo i gedo
- Mako lobo/ gwoko lobo

(b)

(Adwoggi Tic 04)

- Two a piny
- Lyeto piny
- Rwenyo a mio a lobo
- Can pii
- Rwenyo a kot
- Balle a ngwec piny
- Pe a cem a leyi kede winynyi

(c)

(Adwoggi Tic 06)

- Puru wi tela
- Cikko rec
- Gwokko leyi kede winynyi
- Willo cem
- Pitto rec
- Pitto nyig yen kede pot dek
- Rayo nyig cem kede pot cem

(d)

(Adwoggi Tic 06)

- Makko jo a tye a ballo kanorumuwa ote pididi gi
- Miyo gi ngeyo a ber rac a ballo kanorumuwa
- Gonynyo cik a kwako ballo kanorumuwa dwokko i Leblango
- Dwokko pwoc bot jo a tye agwokko kanorumuwa
- Rotto piny a jo i kan okene i kom kanorumuwa pi nwongngo pwonyere

Coc man tye kede apeny angwen (4) a papat; (a) – (d) kun nyutu niangngno kede tic keke tam ame tye i ye.

2. YUNGNGU COC

(Adwoggi Tic 10)

BER A CAK KOR

- Giko twoe okene
- Mio otino dongo i yot kom
- Jingo kom a tek
- Yabo adam atin
- Jingo remo te bedo a tek pi lweny i kom twoe
- Mio atin pe nwongo two cado
- Cil
- Nwongere i cawa moro keken
- Medo mara i yi akina atin kede tottere
- Gengo yac
- Ballo cente pi willo cupa pe tye
- Gwoko cawa
- Nwongngo yot
- Tye i kwone cem ducu

Coc i malu no obedo anyut me cogo coc ame a gam peny myero tii kede me coyo kom coc i kare me yungngu coc. A gam peny myero can tam i yore i yore i coc gi.

3.

TEKWARO

(a) Rangngo dako/nyako

(Adwoggi Tic 20)

Yore me rangngo dako/nyako

- Awobi mio onywallere ngeo ni enwongo nyako me anyoma.
- Onywal awobi cwallo kede owote mere kede bulu mogo a nonok me a tekere.
- Awobi nwongo aoor ame paco gi ceggi kede tung a nyako gi me konynyo i kubbu jo.
- Awobi kede jo a lwokke woto naka tung aoor.
- Aoor te kato ked gi tung a nyako gi.
- Awobi mio cente me rangngo/ penynyo nyako bot aoor.
- Onywal a nyako dang lwongo wati kede olanget gi a nok me bedo tye.
- Jo bedo ping ote nyutte kun aoor nyutu jo ame olwoko awobi ento opaco en aye cako nyutte.
- Aoor kobo gin ame okelo gi paco a nyako gi kun tucu nying nyako ka anyira popol.
- Papo a nyako te cwallo gi bot nyako ame gin obino penynyo/ rangngo
- Aoor kede awobi te wot bot nyako ame i cawa okene nwongo tye obedo i te ot onyo yat.
- Aoor te miye ngeyo ni gin obedo wele mere.
- Aoor te miyo nyako cente me penynye ka yee.
- Ka nyako ogamo cente, gin te dwokko ngec bot onywal ni oyee.
- Onywal a nyako te miyo gi dok kun okuru ngec me bino i meddo cente kede ngollo nyom.
- Awobi te dok paco kun mio onywallere ngec ni nyako oyee pien ogamo cente.

A gam peny myero tii kede tam i malu no me coyo agam gi kun otio kede dul coc a papat.

(b) YABBO LYEL

(Adwoggi Tic 20)

Kit me yabbo lyel i Lango.

- Yabbo lyel me gengngo tipo a jo onyo dano otoo i yello jo i paco.
- Kare me yabbo lyel pe tye atir atir romo tero mwakki a pol.
- Oyabo lyel ka jo paco oyubere a ber pire.
- Yabbo lyel romo bedo pi dano acel otoo onyo pi lyele a pol i paco.
- Jo me paco bedo ping kede jo me atekere pi yubbu yabbo lyel.
- Jo rao cem kede moko me yubbu kongo.
- Oyubu cem kede kongo a dwong.
- Olwongo i ye oc— jo onyomo anyira me paco-no kede jo ame awobe me paco-no onyomo bot gi meddo kede owote.

- Gangngo ogero i canya abolo onyo obia.
- Oc acelacel bedo kede dog gangngo gi.
- Jo raro kome i kin pacci onyo obedo i dul.
- Myello i koce onyo/ kede abudda bedo tye.
- Nino me jo i ket romo bedo nine a dek onyo a kato.
- Dog gangngo acelacel pyem i rac odikko mere.
- Jo orao rac a dwong oloo omio gi mot bala me dyegi gin dok te nekko mwoddo cutu.

A gam peny myero tii kede tam i malu no me coyo agam gi kun otio kede dul coc a papat.